



# **SLUŽBENI GLASNIK**

## **OPĆINE SANSKI MOST**

**Godina XXII Broj 09/22 Sanski Most, 06. juli, 2022. god.**

Izdavač:  
Općinsko vijeće  
Sanski Most

Redakcioni odbor:  
Evelin Rizvanović

Odgovorni urednik:  
Edisa Hodžić

Pretplata: 50 KM

# S A D R Ź A J

Službeni glasnik općine Sanski Most  
Broj: 09/22 Godina XXII 06. juli 2022. god.

Odluka o nabavci sitnih stvari za potrebe štićenika i korisnika usluga JU „Centar za socijalni rad“ Sanski Most za 2022.godinu .....	3
Odluka o dodjeli novčane pomoći za nabavku GPS narukvica djeci/osobama sa teškoćama u razvoju /invaliditetom/ sa područja općine Sanski Most .....	4
Odluka o novčanoj naknadi za nezaposlene porodilje u 2022.godini .....	6
Odluka o subvenciji troškova prevoza redovnih učenika srednjih škola na području općine Sanski Most za 2022.godinu .....	7
Odluka o sufinansiranju kamate za stambene kredite za mlade na području općine Sanski Most ...	10
Odluka o subvenciji finansiranja vrtića .....	12
Odluka o izmjeni Odluke o ustupanju na korištenje prizemlja zgrade „Dom Zdena“ .....	14
Odluka o ustupanju na korištenje dijela prizemlja zgrade „Dom Zdena“ .....	15
Odluka o davanju na upravljanje, korištenje i održavanje područja oko vodopada Blihe JKP „Sana“ d.o.o. Sanski Most u stečaju .....	16
Odluka o nabavci udžbenika za učenike IX razreda osnovnih škola općine Sanski Most .....	17
Rješenje o imenovanju člana Komisije za budžet, finansije i ekonomska pitanja .....	18
Rješenje o imenovanju člana Komisije za rukovođenje tajnim glasanjem .....	19
Rješenje o imenovanju člana Komisije za izbor u regulirane organe .....	20
Zaključak o neusvajanju Izvještaja o radu JP “RTV Sana” doo Sanski Most za 2021.godinu .....	21
Zaključak o usvajanju Izvještaja o radu JU “Narodna biblioteka” Sanski Most za 2021.godinu .....	22
Zaključak o primanju k znanju Informacije o radu Općinskog suda u Sanskom Mostu za 2021. godinu .....	23
Zaključci po Odluci o davanju na upravljanje, korištenje i održavanje područja oko vodopada Blihe JKP „Sana“ d.o.o. Sanski Most u stečaju .....	24

Na osnovu člana 12. Stav (3) tačka 1 Zakona o lokalnoj samoupravi Unsko-sanskog kantona („Službeni glasnik USK-a“ br.8/11), Zakona o socijalnoj zaštiti, zaštiti civilnih žrtava rata i zaštiti porodica sa djecom ("Sl.glasnik USK-a" br. 5/2000, 7/2001, 11/2014,23/2018 i 15/2020) i člana 24. Statuta općine Sanski Most ( « Službeni glasnik općine Sanski Most « br.4/08, 5/08, 5/09, 02/10 i 9/11),Općinsko vijeće Sanski Most na svojoj 17. sjednici održanoj dana 05.07. 2022. godine, donijelo je:

## **ODLUKU**

### **o nabavci sitnih stvari za potrebe štíćenika i korisnika usluga JU „Centar za socijalni rad“ Sanski Most za 2022.godinu**

#### **Član 1.**

Ovom Odlukom utvrđuje se pravo na nabavku sitnih stvari za potrebe štíćenika i korisnika usluga JU „Centar za socijalni rad“ Sanski Most, koja se trenutno nađu u stanju socijalne potrebe, a ukoliko se potrebna novčana sredstva ne mogu obezbijediti iz drugih vidova novčanih davanja.

#### **Član 2.**

Nabavka će se izvršiti prema procjeni socijalnog radnika, a na osnovu Zaključka Stručnog tima JU „Centar za socijalni rad“ Sanski Most.

#### **Član 3.**

Visina iznosa za nabavku sitnih stvari za potrebe štíćenika i korisnika usluga JU „Centar za socijalni rad“ Sanski Most ne može biti veća od 100,00 KM po korisniku, do utroška obezbijeđenih finansijskih za tekuću Budžetsku 2022. godinu u iznosu od 3000,00 KM.

#### **Član 4.**

Sredstva za nabavku sitnih stvari za potrebe štíćenika u iznosu od 5.000 KM, osiguravaju se iz red. br. 96 kod 614239 "Sredstva za potrebe štíćenika - GPS narukvice i sitne stvari za potrebe štíćenika" Budžeta Općine Sanski Most za 2022. godinu ("Službeni glasnik Općine Sanski Most", br. 02/22).

#### **Član 5.**

Odluka stupa na snagu osmog dana od dana objavljivanja u Službenom glasniku Općine Sanski Most.

Broj: 01-02-236 /22  
Datum: 06.07.2022. godine

Predsjedavajuća Općinskog vijeća  
dr. Sanda Čekić, s.r.

Na osnovu člana 12. stav (3) tačka 1 Zakona o lokalnoj samoupravi Unsko-sanskog kantona („Službeni glasnik USK-a“ br.8/11), Zakona o socijalnoj zaštiti, zaštiti civilnih žrtava rata i zaštiti porodica sa djecom ("Sl.glasnik USK-a" br. 5/2000, 7/2001, 11/2014,23/2018 i 15/2020) i člana 24. Statuta općine Sanski Most („Službeni glasnik općine Sanski Most“ br. 4/08, 5/08 , 5/09, 02/10 i 9/11), Općinsko vijeće Sanski Most na svojoj 17. sjednici održanoj dana 05.07.2022. godine, donijelo je:

## **ODLUKU**

### **o dodjeli novčane pomoći za nabavku GPS narukvica djeci/osobama sa teškoćama u razvoju /invaliditetom/ sa područja općine Sanski Most za 2022.godinu**

#### **Član 1.**

Ovom Odlukom utvrđuje se pravo na dodjelu novčane pomoći djeci/osobama sa teškoćama u razvoju invaliditetom /težim i teškim intelektualnim poteškoćama/ sa područja općine Sanski Most, na osnovu dostavljenog nalaza i mišljenja doktora specijaliste / dr. pedijatar za djecu i dr. neuropsihijatar za starije osobe, a na osnovu kojeg se dokazuje potreba za ovim pomagalom.

#### **Član 2.**

Uz zahtjev za ostvarivanje prava na novčanu pomoći za nabavku GPS narukvica prilaže se sljedeća dokumentacija:

1. prijava mjesta prebivališta,
2. nalaz i mišljenje doktora specijaliste / dr. pedijatar za djecu i dr. neuropsihijatar za starije osobe na osnovu koje je utvrđena potreba za medicinskim pomagalom,
3. račun/predračun za nabavku GPS narukvice,
4. po potrebi i drugi dokazi iz kojih je vidljiva opravdanost zahtjeva,
5. izjava o saglasnosti roditelja /staratelja za korištenje GPS narukvice.

#### **Član 3.**

Postupak za ostvarivanje navedenog prava pokreće se na zahtjev roditelja/staratelja ili bližeg srodnika koji vodi brigu i staranje o licu kojem je utvrđena potreba za medicinskim pomagalom, a JU „Centar za socijalni rad“ Sanski Most će nakon provedenog postupka odlučiti o podnesenom zahtjevu za priznavanje prava.

#### **Član 4.**

Ostvarivanje prava na novčanu pomoć za nabavku GPS narukvica, vršit će se po redosljedu zaprimljenih zahtjeva do utroška obezbjeđenih finansijskih sredstava za tekuću Budžetsku 2022.godinu u iznosu od 2000,00 KM.  
Novčana pomoć isplaćivat će se u iznosu od 200,00 KM, po dostavljenom računu.

## Član 5.

Sredstva za dodjelu novčane pomoći za nabavku GPS narukvica djeci/osobama sa teškoćama u razvoju /invaliditetom/ sa područja općine Sanski Most za 2022.godinu u iznosu od 5.000 KM, osiguravaju se iz red. br. 96 kod 614239 "Sredstva za potrebe šticećenika - GPS narukvice i sitne stvari za potrebe šticećenika" Budžeta Općine Sanski Most za 2022. godinu ("Službeni glasnik Općine Sanski Most", br. 02/22).

## Član 6.

Odluka stupa na snagu osmog dana od dana objavljivanja u Službenom glasniku Općine Sanski Most.

Broj: 01-02- 237 /22  
Datum: 06.07. 2022. godine

Predsjedavajuća Općinskog vijeća  
dr. Sanda Čekić, s. r.

Na osnovu člana 12. stav (3) tačka 1 Zakona o lokalnoj samoupravi Unsko-sanskog kantona („Službeni glasnik USK-a“ br.8/11), Zakona o socijalnoj zaštiti, zaštiti civilnih žrtava rata i zaštiti porodica sa djecom ("Sl.glasnik USK-a" br. 5/2000, 7/2001, 11/2014,23/2018 i 15/2020) i člana 24. Statuta općine Sanski Most ( „Službeni glasnik općine Sanski Most,, br.4/08, 5/08 , 5/09, 02/10 i 9/11),Općinsko vijeće Sanski Most na svojoj 17.sjednici održanoj dana 05.07. 2022. godine, donijelo je:

## **ODLUKU**

### **o novčanoj naknadi za nezaposlene porodilje u 2022. godini**

#### **Član 1.**

Ovom Odlukom se utvrđuje visina novčane naknade za vrijeme porođaja žene - majke koja nije u radnom odnosu, a koja se porodila u 2022. godini, sa mjestom prebivališta na području općine Sanski Most.

#### **Član 2.**

Iznos novčane naknade iz člana 1 ove Odluke utvrđuje se u visini od 1400,00 KM.

Isplata navedenog iznosa vršit će se mjesečno, a mjesečni iznos ovisi od broja preostalih mjeseci od dana podnošenja zahtjeva do kraja kalendarske 2022. godine.

#### **Član 3.**

Uz zahtjev za ostvarivanje prava na naknadu ženi majci koja nije u radnom odnosu prilaže se sljedeća dokumentacija:

1. Izvod iz matične knjige rođenih za dijete.
2. Potvrda o prijavi prebivališta za majku
3. Potvrda nadležnog Biro-a rada o nezaposlenosti majke/uvjerenje porezne ako se ne nalazi na evidenciji nezaposlenih lica
4. Kopija tekućeg računa podnosioca zahtjeva/porodilja

#### **Član 4.**

Postupak za ostvarivanje navedenih prava pokreće se na zahtjev nezaposlene porodilje, a JU „Centar za socijalni rad“ Sanski Most će nakon provedenog postupka odlučiti o podnesenom zahtjevu za priznavanje prava

Porodilja koje se porodi u mjesecu decembru tekuće godine zahtjev može podnijeti najkasnije do 20. januara 2023. godine.

#### **Član 5.**

Isplata naknada vršit će se prema podnesenim zahtjevima za svaki kalendarski mjesec.

#### **Član 6.**

Sredstva za isplatu novčane naknadi za nezaposlene porodilje u 2022. godini u iznosu od 100.000,00 KM, osiguravaju se iz red. br. 95 kod 614239 "Mjesečna naknada za nezaposlene porodilje" Budžeta Općine Sanski Most za 2022. godinu ("Službeni glasnik Općine Sanski Most", br. 02/22).

#### **Član 7.**

Odluka stupa na snagu osmog dana od dana objavljivanja u Službenom glasniku Općine Sanski Most.

Broj: 01-02-238/22  
Datum: 06.07. 2022. godine

Predsjedavajuća Općinskog vijeća  
dr. Sanda Čekić, s.r.

Na osnovu člana 12. stav (3) tačka 1 Zakona o lokalnoj samoupravi Unsko-sanskog kantona („Službeni glasnik USK-a“ br.8/11), Zakona o socijalnoj zaštiti, zaštiti civilnih žrtava rata i zaštiti porodica sa djecom ("Sl.glasnik USK-a" br. 5/2000, 7/2001, 11/2014,23/2018 i 15/2020) i člana 24. Statuta općine Sanski Most („Službeni glasnik općine Sanski Most“ br.4/08, 5/08, 5/09, 02/10 i 9/11), Općinsko vijeće Sanski Most na svojoj 17. sjednici održanoj dana 05.07. 2022. godine, donijelo je:

## **ODLUKU**

### **o subvenciji troškova prevoza redovnih učenika srednjih škola na području općine Sanski Most za 2022. godinu**

#### **Član 1.**

Ovom odlukom se uređuje pravni odnos između JU „Centar za socijalni rad“ Sanski Most i redovnih učenika srednjih škola, odnosno korisnika prava na sufinanciranje troškova prevoza, a naročito uslovi kriteriji i način ostvarivanja tih prava.

#### **Član 2.**

Predviđena budžetska sredstva za financiranje troškova prevoza redovnih učenika srednjih škola na području općine Sanski Most dodjeljivat će se kroz KRITERIJE za kategorije redovnih učenika srednjih škola.

Pravo na sufinanciranje troškova prevoza imaju redovni učenici srednjih škola koji imaju prebivalište na području općine Sanski Most i to:

1. učenici sa invaliditetom, djeca sa poteškoćama u razvoju,
2. učenici – djeca bez oba roditelja,
3. učenici – djeca bez jednog roditelja (ukoliko roditelj ispinjava ostale uslove predviđene ovom Odlukom),
4. učenici čiji roditelji primaju stalnu novčanu pomoć,
5. učenici - djeca šehida, ratnih vojnih invalida, demobilisanih boraca i dobitnika najvećih ratnih priznanja i civilnih žrtava rata,
6. učenici čiji su roditelji nezaposleni i prijavljeni na Biro rada (uz izvještaj i procjenu socijalnog radnika),
7. učenici čiji su roditelji zaposleni, a čiji prihod po domaćinstvu ne prelazi iznos prosječne plaće USK-a po posljednjim službenim podacima,
8. učenici – djeca smještena u Ustanovu SPŽZ,
9. djeca sa poteškoćama u razvoju koja pohađaju specijalnu školu,
10. djeca čiji su roditelji osobe sa invaliditetom (90% i 100%).

Ostale kategorije korisnika pravo mogu ostvariti pod uvjetom da ukupan prihod domaćinstva mjesečno ne prelazi iznos prosječne plaće USK-a, po posljednjim službenim podacima.

Prioritet na subvenciju troškova prevoza redovnih učenika srednjih škola imaju roditelji sa troje ili više djece, a koji koriste usluge javnog prevoza kako je i predviđeno ovom Odlukom.

Kriteriji će se primjenjivat od dana usvajanja Odluke i važe do donošenja novih kriterija.

### Član 3.

Uz zahtjev za financiranje prevoza se prilaže:

1. potvrda o prebivalištu učenika,
2. potvrda o upisu učenika u tekuću školsku godinu, izdata od nadležne školske ustanove,
3. kućna lista, sa pratećom posebnom dokumentacijom (smrtni list roditelja/rodni list roditelja koji izdržava učenika),
4. dokaz o statusu i primanjima za sve članove domaćinstva i to:
  - za zaposlene: potvrda o prosječnim primanjima za posljednja tri mjeseca ovjerena od strane poslodavca,
  - za privatne poduzetnike: Uvjerenje o izmirenim poreznim obavezama izdato od nadležne poreske ispostave i potvrda o mjesečnim primanjima za posljednja tri mjeseca,
  - za penzionere: kopija čeka od penzije,
  - za nezaposlene: Uvjerenje biroa za zapošljavanje, odnosno, potvrda da nije porezni obveznik (Porezna uprava),
5. dokaz o invaliditetu učenika (nalaz nadležne Komisije),
6. dokaz o invaliditetu roditelja (rješenje od nadležnog organa),
7. rješenje/uvjerenje nadležne Službe za učenike djecu šehida, ratnih vojnih invalida, invaliditetom i djecu dobitnika najvećih ratnih priznanja,
8. kopija tekućeg računa podnosioca zahtjeva.

### Član 4.

Pravo na sufinanciranje prevoza učenicima pripada u mjesecima u kojima se odvija nastava ( septembar, oktobar, novembar, decembar, februar, mart, april, maj i juni osim za učenike završnih razreda. Isti su dužni dostaviti dokaz o kupljenoj mjesečnoj karti najkasnije do 10. u mjesecu.

### Član 5.

Postupak za ostvarivanje navedenih prava pokreće se na zahtjev učenika, odnosno roditelja, a JU „Centar za socijalni rad“ Sanski Most će nakon provedenog postupka odlučiti o podnesenom zahtjevu za priznavanje prava troškova prevoza redovnih učenika srednjih škola.

### Član 6.

Učenici koji ostvaruju pravo na subvencioniranje putnih troškova iz ove Odluke, dužni su nakon završetka I polugodišta školske godine dostaviti JU „Centar za socijalni rad“ Sanski Most, ovjerenu potvrdu, a krajem školske godine ovjerenu fotokopiju svjedočanstva u roku od 8 (osam) dana od dobijanja istih. Na osnovu dostavljenih dokumenata iz stava 3. ovog člana nastavlja se ili se do kraja školske godine obustavlja subvencija.

### Član 7.

Naknada za prevoz učenika doznačit će se na tekući račun roditelja /staratelja. Mjesečni obračun i isplatu za kalendarsku godinu prema rješenju vrši računovodstvo Centra.



#### Član 8.

Ukoliko učenik prekine školovanje ili promjeni školu odnosno mjesto školovanja dužan je o istom da obavijesti nadležnu JU „Centar za socijalni rad“ Sanski Most u roku od 15 dana od nastale promjene.

#### Član 9.

Sredstva za isplatu sufinanciranja troškova prevoza redovnih učenika srednjih škola na području općine Sanski Most za 2022. godinu u iznosu od 50.000,00 KM, osiguravaju se iz red. br. 103 kod 614411 "Subvencija za prevoz učenika-srednja škola" Budžeta Općine Sanski Most za 2022.godinu ("Službeni glasnik Općine Sanski Most", br. 02/22).

#### Član 10.

Odluka stupa na snagu osmog dana od dana objavljivanja u Službenom glasniku Općine Sanski Most.

Broj: 01-02- 239/22  
Datum: 06.07. 2022. godine

Predsjedavajuća Općinskog vijeća  
dr. Sanda Čekić, s.r.

Na osnovu člana 12. stav (3) tačka 1 Zakona o lokalnoj samoupravi Unsko-sanskog kantona („Službeni glasnik USK-a“ br.8/11), člana 8. i 13. Zakona o principima lokalne samouprave („Službene novine Federacije Bosne i Hercegovine“, br. 49/06 i 51/09) i člana 24. Statuta općine Sanski Most („Službeni glasnik općine Sanski Most“ br.4/08, 5/08, 5/09, 02/10 i 9/11), Općinsko vijeće Sanski Most na svojoj 17. sjednici održanoj dana 05.07. 2022. godine, donijelo je:

## **ODLUKU**

### **o sufinansiranju kamate za stambene kredite za mlade na području općine Sanski Most**

#### **Član 1.**

Ovom Odlukom utvrđuje se pravo na sufinansiranje kamate za stambene kredite za mlade bračne / vanbračne parove na području općine Sanski Most, a koji su zaključili notarski obrađen ugovor o kupoprodaji stana ili kuće u 2022. godini.

#### **Član 2.**

Pravo na sufinansiranje kamata imaju mladi bračni/vanbračni drugovi koji posjeduju Ugovor sa bankom o kreditu za stambeno zbrinjavanje, čija visina ne prelazi iznos od 100.000,00 KM.

#### **Član 3.**

Pravo i uslovi za sufinansiranje kamate za stambene kredite za mlade na području općine Sanski Most:

- (1) Pravo na dodjelu sredstava ima fizičko lice/podnosilac prijave, pod uslovima:
  - a) da nije mlađi od 18 niti stariji od 40 godina života u trenutku podnošenja prijave,
  - b) da je državljanin Bosne i Hercegovine,
  - c) da ima mjesto prebivališta na području općine Sanski Most,
  - d) da nema riješeno stambeno pitanje - prvo rješavanje stambenog pitanja,
  - e) da posjeduje Ugovor sa bankom o kreditu za stambeno zbrinjavanje,
  - f) da do momenta podnošenja prijave ima urednu otplatu kredita prema Planu otplate,
  - g) da je zaključio notarski obrađen ugovor o kupoprodaji stana ili kuće do dana podnošenja prijave za subvencioniranje kamata na kredite za rješavanje prvog stambenog pitanja mladih,
  - h) rok otplate kredita ne smije biti kraći od 10 godina,
  - i) da u prethodnoj godini nije bio korisnik sredstava za stambeno zbrinjavanje i/ili subvencioniranje kamata za stambeno zbrinjavanje odobrenih iz Budžeta USK, izuzev u slučaju nedovoljnog broja potpunih prijava koje ispunjavaju ovaj uslov, sredstva se mogu dodijeliti podnosiocima prijave koji su ranije bili korisnici sredstava za subvencioniranje kamata na kredite za stambeno zbrinjavanje mladih.

(2) U slučaju zaključenog ugovora o zajedničkom stambenom kreditu prijavu može podnijeti samo nosilac kredita koji ispunjava uslove iz čl. 3 stava ove Odluke, a ako su bračni/vanbračni drugovi nosioci dva različita kredita za istu ili drugu stambenu jedinicu prijavu može podnijeti samo jedan bračni/vanbračni drug.

(3) Prednost imaju bračne/vanbračne zajednice, gdje je jedan bračni/vanbračni drug nezaposlen, u odnosu na bračne/vanbračne zajednice gdje su oba bračna/vanbračna druga zaposlena.

#### Član 4.

Uz zahtjev za sufinansiranje kamate za stambene kredite za mlade se prilaže:

- 1) CIPS prijava za podnosioca prijave i njegovog bračnog/vanbračnog partnera,
- 2) Uvjerenje izdato od suda sa mjestom prebivališta i mjestom rođenja da podnosilac prijave i njegov bračni/vanbračni partner, izuzev stana ili kuće koji je predmet prijave na koji se odnosi kupoprodajni ugovor, nisu vlasnici stana ili porodične kuće u mjestu prebivališta i mjesta rođenja na području Bosne i Hercegovine,
- 3) Ugovor sa bankom o namjenskom kreditu za stambeno zbrinjavanje sa Planom otplate kredita,
- 4) Potvrdu od banke da postoji uredna otplata kredita sa ukupnim iznosom plaćenih kamata, (treba da sadrži i slijedeće podatke: ime i prezime podnosioca prijave, JMBG, broj ugovora o stambenom kreditu, broj transakcijskog računa podnosioca prijave, iznos obračunate kamate),
- 5) Notarski obrađen ugovor o kupoprodaji stana ili kuće (original ili ovjerena kopija),
- 6) Izjava – kućna lista,
- 7) Dokazi o zaposlenju (kopije ugovora o radu),
- 8) za lica koja imaju registrovanu samostalnu djelatnost: rješenje o registraciji obrta/srodne djelatnosti, obrazac o plaćenim doprinosima, za posljednja tri mjeseca i GPD i SPR obrasci godišnje prijave za 2022. godinu,
- 9) Uvjerenje službe za zapošljavanje za nezaposlenog bračnog/vanbračnog partnera, a ukoliko se isti ne vodi na evidenciji službe za zapošljavanje, uvjerenje iz ispostave poreske uprave.

Postupak za ostvarivanje navedenih prava pokreće se na lični zahtjev u prostorijama JU „Centar za socijalni rad“ Sanski Most koja će nakon provedenog postupka odlučiti o podnesenom zahtjevu za priznavanje prava na sufinansiranje kamate za stambene kredite mladima na području općine Sanski Most.

#### Član 5.

Naknada za sufinansiranje kamate za stambene kredite mladima na području općine Sanski Most prema Rješenju vrši računovodstvo Centra na dostavljeni žiro račun podnosioca zahtjeva.

#### Član 6.

Korisnik prava sufinansiranja kamate za stambene kredite mladima na području općine Sanski Most dužan je prijaviti svaku promjenu od uticaja na gubitak prava, u roku od 15 dana od dana nastale promjene.

#### Član 7.

Sredstva za isplatu sufinansiranja kamate za stambene kredite za mlade na području općine Sanski Mostu u iznosu od 100.000,00 KM, osiguravaju se iz red. br. 97 kod 614239 " sufinansiranje kamate za stambene kredite za mlade " Budžeta Općine Sanski Most za 2022.godinu ("Službeni glasnik Općine Sanski Most", br. 02/22).

#### Član 8.

Odluka stupa na snagu osmog dana od dana objavljivanja u Službenom glasniku Općine Sanski Most.

Broj: 01-02- 240/22  
Datum: 06.07. 2022. godine

Predsjedavajuća Općinskog vijeća  
dr. Sanda Čekić, s.r.

Na osnovu člana 12. stav (3) tačka 1 Zakona o lokalnoj samoupravi Unsko-sanskog kantona („Službeni glasnik USK-a“ br. 8/11), Zakona o socijalnoj zaštiti, zaštiti civilnih žrtava rata i zaštiti porodica sa djecom ("Sl.glasnik USK-a" br. 5/2000, 7/2001, 11/2014,23/2018 i 15/2020) i člana 24. Statuta općine Sanski Most („Službeni glasnik općine Sanski Most“ br.4/08, 5/08 , 5/09, 02/10 i 9/11), Općinsko vijeće Sanski Most na svojoj 17. sjednici održanoj dana 05.07.2022. godine, donijelo je:

## **ODLUKU**

### **o subvenciji finansiranja vrtića**

#### **Član 1.**

Ovom Odlukom se uređuje pravni odnos između JU „Centar za socijalni rad“ Sanski Most i roditelja čija djeca su korisnici usluga vrtića na području općine Sanski Most, a naročito uslovi kriteriji i način ostvarivanja tih prava.

#### **Član 2.**

Pravo na subvenciju finansiranja vrtića priznaje se roditeljima koji su sklopili ugovor o pružanju usluga dječijeg vrtića od prvog dana narednog mjeseca od dana podnošenja zahtjeva do kraja 2022. godine.

#### **Član 3.**

Pravo na subvenciju finansiranja vrtića imaju i roditelji koji su sklopili ugovor o pružanju usluga sa privatnim vrtićem, pod uslovom da je privatni vrtić registrovan kao odgojno obrazovna ustanova.

#### **Član 4.**

Pravo na subvenciju finansiranja troškova vrtića imaju roditelji/staratelj koji su sklopili ugovor o pružanju usluga dječijeg vrtića na području općine Sanski Most:

1. za djecu bez oba roditelja – sufinansirat će se 90% od pune cijene mjesečnog iznosa.
2. za djecu bez jednog roditelja - sufinansirat će se 70% od pune cijene mjesečnog iznosa (ukoliko roditelj ispinjava ostale uslove predviđene ovom Odlukom),
3. djeca čiji su roditelji nezaposleni i prijavljeni na Biro rada (uz izvještaj i procjenu socijalnog radnika) - sufinansirat će se 60% od pune cijene mjesečnog iznosa,
4. djeca čiji su roditelji zaposleni, a čiji prihod po domaćinstvu ne prelazi iznos prosječne plaće USK-a po posljednjim službenim podacima – sufinansirat će se 50% od pune cijene mjesečnog iznosa.
5. djeca čiji su roditelji osobe sa invaliditetom (90% i 100%) - sufinansirat će se 50% od pune cijene mjesečnog iznosa,
6. Za drugo i svako naredno dijete sufinansirat će se 50% od pune cijene mjesečnog iznosa.

#### Član 5.

Uz zahtjev za subvenciju finansiranja troškova vrtića se prilaže:

1. ugovor o pružanju usluga dječijeg vrtića,
2. potvrda o prebivalištu za roditelje i dijete/djecu,
3. Izvod iz matične knjige rođenih za dijete/djecu,
4. smrtni list roditelja/rodni list roditelja koji izdržava dijete,
5. za zaposlene: potvrda o prosječnim primanjima za posljednja tri mjeseca ovjerena od strane poslodavca,
6. za nezaposlene: Uvjerenje biroa za zapošljavanje ili Potvrda da nije porezni obveznik (Porezna uprava),
7. dokaz o invaliditetu roditelja (rješenje od nadležnog organa),
8. fotokopija tekućeg računa podnosioca zahtjeva.

#### Član 6.

Dokaz o izvršenoj uplati usluga vrtića dostaviti do kraja tekućeg mjeseca.

#### Član 7.

Postupak za ostvarivanje navedenih prava pokreće se na zahtjev roditelja, a JU „Centar za socijalni rad“ Sanski Most će nakon provedenog postupka odlučiti o pravu na subvenciju finansiranja troškova vrtića.

#### Član 8.

Naknada za sufinansiranje troškova vrtića doznačit će se na tekući račun roditelja /staratelja.

Mjesečni obračun i isplatu za kalendarsku 2022. godinu prema rješenju vrši računovodstvo Centra.

#### Član 9.

Korisnik prava sufinansiranja troškova vrtića dužan je prijaviti svaku promjenu od uticaja na gubitak prava, u roku od 15 dana od dana nastale promjene.

#### Član 10.

Sredstva za isplatu sufinansiranja troškova vrtića u iznosu od 80.000,00 KM, osiguravaju se iz red. br. 94 kod 614239 "Subvencija za finansiranje vrtića" Budžeta Općine Sanski Most za 2022. godinu ("Službeni glasnik Općine Sanski Most", br. 02/22).

#### Član 11.

Odluka stupa na snagu osmog dana od dana objavljivanja u Službenom glasniku Općine Sanski Most.

Broj: 01-02-241 /22  
Datum: 06.07.2022. godine

Predsjedavajuća Općinskog vijeća  
dr. Sanda Čekić, s.r.

Na osnovu člana 8. i 13. Zakona o principima lokalne samouprave u Federaciji BiH ("Službene novine F BiH" broj:49/06 ) i člana 24. Statuta općine Sanski Most ( "Službeni glasnik Općine Sanski Most " broj: 4/08, 5/08, 5/09, 2/10 / 9/11), Općinsko vijeće Općine Sanski Most na 17. sjednici održanoj dana 05.07.2022., d o n o s i :

**ODLUKA O IZMJENI  
ODLUKE  
O USTUPANJU NA KORIŠTENJE  
PRIZEMLJA ZGRADE "DOM ZDENA"**

**Član 1.**

Ovom Odlukom vrši se izmjena Odluke o ustupanju na korištenje prizemlja zgrade "Dom Zdena", objavljena u " Službenom glasniku Općine Sanski Most " broj:4/16.

**Član 2.**

**Član 1.mjenja se i glasi:**

Ustupa se na korištenje prizemlje zgrade u naselju Zdena u Sanskom Mostu izgrađene na k.č.752/2 zv."Okučnica"-poslovna zgrada u privredi koje se sastoji od poslovnog prostora PR-1 površine 101 m2 upisan u ZKU.941 K.O.S.Most IV – pravo raspolaganja Općina Sanski Most u dijelu 1/1; poslovnog prostora PR-2 površine 25 m2 upisan u ZKU 942 K.O.Sanski Most IV pravo raspolaganja Općina Sanski Most u dijelu 1/1;poslovnog prostora PR-5 u površini od 108 m2 upisanog u ZKU 944 pravo raspolaganja Općina Sanski Most u dijelu 1/1 i poslovnog prostora PR-6 površine 20 m2 upisanog u ZKU 945 K.O.Sanski Most IV pravo raspolaganja Općina Sanski Most u dijelu 1/1, bez naknade.

**Član 3.**

Ova Odluka stupa na snagu danom donošenja i bit će objavljena u "Službenom glasniku Općine Sanski Most ".

Broj: 01-02-242/22  
Datum:06.07.2022.godine

Predsjedavajuća Općinskog vijeća

sr.dr.Sanda Čekić

Na osnovu člana 8. i 13. Zakona o principima lokalne samouprave u Federaciji BiH ("Službene novine F BiH" broj:49/06 ) i člana 24. Statuta općine Sanski Most ( "Službeni glasnik općine Sanski Most " broj: 4/08, 5/08, 5/09, 2/10 / 9/11), Općinsko vijeće Općine Sanski Most na 17.sjednici, održanoj dana 05.07.2022.godine d o n o s i :

**O D L U K U**  
**O USTUPANJU NA KORIŠTENJE**  
**DIJELA PRIZEMLJA ZGRADE "DOM ZDENA"**

**Član 1.**

Ustupa se na korištenje Udruženju "Izvor" Sanski Most dio prizemlja zgrade u naselju Zdena u Sanskom Mostu izgrađene na k.č.752/2 zv."Okučnica"-poslovna zgrada u privredi koje se sastoji od poslovnog prostora PR-3 u površini od 65 m2 upisan u ZKU 943 K.O.Sanski Most IV pravo raspolaganja Općina Sanski Most u dijelu 1/1,bez naknade.

**Član 2.**

Poslovni prostor se ustupa na korištenje Udruženju "Izvor" Sanski Most na period od deset (10) godina .

**Član 3.**

Udruženje "Izvor" Sanski Most preuzima gore navedene poslovne prostorije u zatečenom stanju i Općina Sanski Most nema obavezu refundacije eventualno uložениh sredstava.

**Član 4.**

Udruženje "Izvor" Sanski Most se obavezuje da snosi sve redovne mjesečne troškove i to troškove komunalne naknade,naknadu za utrošenu električnu energiju, vodu,odvoz smeća , telefon, troškove tekućeg održavanja, kao i sve ostale obaveze koje terete poslovni prostor .

**Član 5.**

Udruženje "Izvor" Sanski Most se obavezuje da, nakon isteka gore navedenog roka, poslovne prostorije vrati u zatečenom stanju.

**Član 4.**

Ova Odluka stupa na snagu 8 dana od dana objavljivanja u "Službenom glasniku općine Sanski Most ".

Broj:01-02-243/22  
Datum:06.07.2022.godine

Predsjedavajuća Općinskog vijeća

sr. dr.Sanda Čekić

Na osnovu člana 8. i 13. Zakona o principima lokalne samouprave ("Službene novine FBiH", broj: 49/06, 51/09), člana 12. stav (3) i 21. stav (1) Zakona o lokalnoj samoupravi USK-a ("Službeni glasnik USK", broj: 8/11) i člana 24. Statuta Općine Sanski Most ("Službeni glasnik Općine Sanski Most", broj: 4/08, 5/08, 5/09, 2/10 i 9/11), Općinsko vijeće na svojoj XVII sjednici održanoj dana 05.07.2022. godine, donosi:

**ODLUKU**  
**o davanju na upravljanje, korištenje i održavanje**  
**područja oko vodopada Blihe JKP "SANA" d.o.o. Sanski Most - u stečaju**

**Član 1.**

Ovom Odlukom Javnom komunalnom preduzeću "Sana" d.o.o. Sanski Most - u stečaju daje se na upravljanje, korištenje, održavanje bez naknade područje oko vodopada Blihe, tj. pristupni put, parking prostor (plato), pješačka staza – stepenice, platforma, vidikovac i pripadajuća zelena površina, na period do 01.10.2022. godine.

**Član 2.**

Javno komunalno preduzeće "Sana" d.o.o. Sanski Most - u stečaju obavezno je da, u skladu sa zakonom organizuje nesmetano funkcionisanje, pružanje usluga, održavanje i čišćenje prostora iz člana 1. ove Odluke, u cilju zaštite okoliša, očuvanja i unapređenja izgrađene infrastrukture, odnosno zaštite područja oko vodopada Blihe.

**Član 3.**

Javno komunalno preduzeće "Sana" d.o.o. Sanski Most – u stečaju obavezno je da na području iz člana 1. ove Odluke omogući korištenje svih sadržaja zainteresiranim osobama uz naknadu uz iznosu od 3,00 KM za odrasle osobe, 1,00 KM za djecu i 2,00 KM za organizirane grupe (iznad 10 osoba).

**Član 4.**

Na osnovu ove Odluke ne mogu se na prostoru iz člana 1. ove Odluke izvoditi nikakvi građevinski, mašinski, niti bilo kakvi drugi radovi bez saglasnosti Općine Sanski Most.

**Član 5.**

Prihodi i rashodi od upravljanja, korištenja i održavanja, koji nastaju funkcionisanjem i pružanjem usluga na predmetnom području, padaju na teret i u korist Javnog komunalnog preduzeća "Sana" Sanski Most – u stečaju.

**Član 6.**

Ova Odluka stupa na snagu osmog dana od dana objave u Službenom glasniku općine Sanski Most.

Predsjedavajuća Općinskog vijeća

Broj: 01-02-244/22  
Datum: 06.07.2022. godine

dr. Sanda Čekić, s.r.



Na osnovu člana 24. Statuta općine Sanski Most («Službeni glasnik općine Sanski Most» br. 4/08, 5/08, 5/09, 02/10 i 9/11), te člana 33. Odluke o izvršenju budžeta Općine Sanski Most za 2022. godinu («Službeni glasnik općine Sanski Most» br. 02/22), Općinsko vijeće Sanski Most na svojoj 17. sjednici održanoj dana 05.07.2022. godine, donosi:

## **ODLUKU**

### **o nabavci udžbenika za učenike IX razreda osnovnih škola općine Sanski Most**

#### **Član 1.**

Ovom Odlukom utvrđuje se pravo JU „Narodna biblioteka“ Sanski Most da izvrši nabavku udžbenika za učenike IX razreda osnovnih škola na području općine Sanski Most.

#### **Član 2.**

Nabavka udžbenika će se izvršiti prema izvještaju osnovnih škola sa područja općine Sanski Most, a koji sadrže podatak o broju učenika koji će se upisati u IX razred u školskoj 2022/2023. godini. Uvidom u dostavljeni izvještaj utvrđen je broj učenika od 179 za koje je potrebno izvršiti nabavku udžbenika.

Programom nabavke udžbenika će biti obuhvaćeni učenici IX razreda u naredne tri generacije i to u školskim godinama 2022/2023, 2023/2024 i 2024/2025, a škole će biti u obavezi da nakon završetka školske godine udžbenike razduže, kako bi se isti ustupili narednoj generaciji.

#### **Član 3.**

Sredstva potrebna za nabavku udžbenika utvrđuju se u iznosu od 35.000, 00 KM, a ista sredstva su predviđena budžetom općine Sanski Most za 2022. godinu.

Sredstva za nabavku udžbenika će se osigurati sa ekonomskog koda broj „82133“ – Oprema za obrazovanje i kulturu iz Budžeta Općine Sanski Most za 2022.godinu ("Službeni glasnik Općine Sanski Most", br. 02/22).

#### **Član 4.**

Odluka stupa na snagu osmog dana od dana objavljivanja u Službenom glasniku Općine Sanski Most.

Broj: 01-02-245/22  
Datum: 06.07.2022. godine

Predsjedavajuća Općinskog vijeća  
dr. Sanda Čekić, s.r.

Na osnovu člana 24. Statuta općine Sanski Most ("Službeni glasnik općine Sanski Most", broj: 04/08, 05/08, 5/09, 2/10 i 9/11), člana 121. stav (2) Poslovnika o radu Općinskog vijeća ("Službeni glasnik općine Sanski Most", broj: 4/17, 7/20, 7/21 i 6/22) Općinsko vijeće, na 17. sjednici Općinskog vijeća održanoj dana 05.07.2022. godine, donijelo je:

## **RJEŠENJE**

o imenovanju člana Komisije za Budžet, finansije,  
ekonomska pitanja i razvoj

I

**Dalila Kahrić** imenuje se za člana Komisije za Budžet, finansije, ekonomska pitanja i razvoj.

II

Ovo Rješenje stupa na snagu danom donošenja i bit će objavljeno u "Službenom glasniku općine Sanski Most".

Broj: 01-04-246 /22  
Datum: 06.07.2022. godine

**PREDSJEDAVAJUĆA**  
**OPĆINSKOG VIJEĆA**  
dr. Sanda Čekić, s.r.

Na osnovu člana 24. Statuta općine Sanski Most ("Službeni glasnik općine Sanski Most", broj: 04/08, 05/08, 5/09, 2/10 i 9/11), člana 121. stav (2) Poslovnika o radu Općinskog vijeća ("Službeni glasnik općine Sanski Most", broj: 4/17, 7/20, 7/21 i 6/22) Općinsko vijeće, na 17. sjednici Općinskog vijeća održanoj dana 05.07.2022. godine, donijelo je:

## **RJEŠENJE**

o imenovanju člana Komisije za rukovođenje tajnim glasanjem

I

**Dedo Kvirgić** imenuje se za člana Komisije za rukovođenje tajnim glasanjem.

II

Ovo Rješenje stupa na snagu danom donošenja i bit će objavljeno u "Službenom glasniku općine Sanski Most".

Broj: 01-04-247/22  
Datum: 06.07.2022.godine

**PREDSJEDAVAJUĆA**  
**OPĆINSKOG VIJEĆA**  
dr. Sanda Čekić, s.r.

Na osnovu člana 24. Statuta općine Sanski Most ("Službeni glasnik općine Sanski Most", broj: 04/08, 05/08, 5/09, 2/10 i 9/11), člana 121. stav (2) Poslovnika o radu Općinskog vijeća ("Službeni glasnik općine Sanski Most", broj: 4/17, 7/20, 7/21 i 6/22) Općinsko vijeće, na 17. sjednici Općinskog vijeća održanoj dana 05.07.2022. godine, donijelo je:

## **RJEŠENJE**

o imenovanju člana Komisije za izbor u regulirane organe

I

**Armin Grbić** imenuje se za člana Komisije za izbor u regulirane organe.

II

Ovo Rješenje stupa na snagu danom donošenja i bit će objavljeno u "Službenom glasniku općine Sanski Most".

Broj: 01-04-248 /22  
Datum: 06.07.2022.godine

**PREDSJEDAVAJUĆA**  
**OPĆINSKOG VIJEĆA**  
dr. Sanda Čekić, s.r.

Na osnovu člana 24. Statuta općine Sanski Most ("Službeni glasnik općine Sanski Most", broj: 4/08, 5/08, 5/09, 2/10 i 9/11) i člana 124. Poslovnika o radu Općinskog vijeća Sanski Most ("Službeni glasnik općine Sanski Most", broj: 4/17, 7/20, 7/21 i 6/22), Općinsko vijeće Sanski Most na 17. sjednici održanoj dana 05.07.2022. godine, razmatralo je Izvještaj o radu JP RTV "Sana" d.o.o. Sanski Most za 2021. godinu, te nakon rasprave donijelo:

## ZAKLJUČAK

### Član 1.

Ne usvaja se Izvještaj o radu JP RTV "Sana" d.o.o. Sanski Most za 2021. godinu

### Član 2.

Ovaj zaključak stupa na snagu danom donošenja i bit će objavljen u "Službenom glasniku Općine Sanski Most".

Broj: 01-02-249/22  
Datum: 06.07.2022. godine

PREDSJEDAVAJUĆA  
OPĆINSKOG VIJEĆA  
dr. Sanda Čekić, s.r.

Na osnovu člana 24. Statuta općine Sanski Most ("Službeni glasnik općine Sanski Most", broj: 4/08, 5/08, 5/09, 2/10 i 9/11) i člana 124. Poslovnika o radu Općinskog vijeća Sanski Most ("Službeni glasnik općine Sanski Most", broj: 4/17, 7/20, 7/21 i 6/22), Općinsko vijeće Sanski Most na 17. sjednici održanoj dana 05.07.2022. godine, razmatralo je Izvještaj o radu JU "Narodna biblioteka" Sanski Most za 2021. godinu, te nakon rasprave donijelo:

## ZAKLJUČAK

### Član 1.

Usvaja se Izvještaj o radu JU "Narodna biblioteka" Sanski Most za 2021. godinu.

### Član 2.

Ovaj zaključak stupa na snagu danom donošenja i bit će objavljen u "Službenom glasniku Općine Sanski Most".

Broj: 01-02-250/22  
Datum: 06.07.2022. godine

PREDSJEDAVAJUĆA  
OPĆINSKOG VIJEĆA  
dr. Sanda Čekić, s.r.

Na osnovu člana 24. Statuta općine Sanski Most ("Službeni glasnik općine Sanski Most", broj: 4/08, 5/08, 5/09, 2/10 i 9/11) i člana 124. Poslovnika o radu Općinskog vijeća Sanski Most ("Službeni glasnik općine Sanski Most", broj: 4/17, 7/20, 7/21 i 6/22) Općinsko vijeće Sanski Most na 17. sjednici održanoj dana 05.07.2022. godine, razmatralo je Informaciju o radu Općinskog suda u Sanskom Mostu za 2021.godinu, te nakon rasprave donijelo:

## **ZAKLJUČAK**

### **Član 1.**

Prima se k znanju Informacija o radu Općinskog suda u Sanskom Mostu za 2021.godinu.

### **Član 2.**

Ovaj zaključak stupa na snagu danom donošenja i bit će objavljen u "Službenom glasniku Općine Sanski Most".

Broj: 01-02-251/22  
Datum:05.07.2022.godine

**PREDSJEDAVAJUĆA**  
**OPĆINSKOG VIJEĆA**  
dr.Sanda Čekić,s.r.

Na osnovu člana 24. Statuta općine Sanski Most ("Službeni glasnik općine Sanski Most", broj: 4/08, 5/08, 5/09, 2/10 i 9/11) i člana 124. Poslovnika o radu Općinskog vijeća Sanski Most ("Službeni glasnik općine Sanski Most", broj: 4/17, 7/20, 7/21 i 6/22), Općinsko vijeće Sanski Most na 17. sjednici održanoj dana 05.07.2022. godine, razmatralo je Odluku o davanju na upravljanje, korištenje i održavanje područja oko vodopada Blihe JKP "Sana" d.o.o. Sanski Most u stečaju, te nakon rasprave donijelo:

## ZAKLJUČKE

I

Zadužuju se nadležne Općinske službe da, do 01.10.2022.godine, pripreme sve neophodne Odluke kako bi se izabrao novi titular kojem će se dodjeliti na upravljanje, korištenje i održavanje područje oko vodopada Blihe.

II

Zadužuje se JKP "Sana" d.o.o. Sanski Most u stečaju da osigura odvoz smeća sa područja oko vodopada Blihe, da 30 % prihoda od pruženih usluga na predmetnom području uloži u održavanje i uređenje žbunja i rastinja na navedenom lokalitetu, kao i da osigura prisustvo uposlenika JKP "Sana" d.o.o. Sanski Most u stečaju na navedenoj lokaciji u terminu od 08:00 do 20:00 sati.

III

Sva zainteresirana lica imaju mogućnost da u roku od 30 dana od dana donošenja ovih zaključaka nadležnim Općinskim službama dostave svoje prijedloge, sugestije i upute vezano za uređenje i održavanje područja oko vodopada Blihe.

IV

Zadužuju se nadležne Općinske službe da u roku od 60 dana od dana donošenja ovih zaključaka, na osnovu zaprimljenih prijedloga, sugestija i uputa zainteresiranih lica izrade prijedlog Odluke o dodjeli na upravljanje, korištenje i održavanje područja oko vodopada Blihe, putem Javnog poziva.

V

Ovi zaključci stupaju na snagu narednog dana od dana objavljivanja u "Službenom glasniku općine Sanski Most".

Broj: 01-02-253/22  
Datum:06.07.2022.godine

PREDSJEDAVAJUĆA  
OPĆINSKOG VIJEĆA  
dr.Sanda Čekić,s.r.



